



INATSISARTUT

Aningaasaqarnermut Akileraartarnermullu Naalakkersuisoq

Ulloq: 27. juni 2024
J.nr.: 01.31.06/24-01089

Aningaasaqarnermut Akileraartarnermullu Ataatsimiititaliap marlungornermi ulloq 25. juni 2024-mi aalajangiineranik Naalakkersuisunut ilisimatitsineq.

Maniitsumi umiarsualivimmi atortorissaarutiniq iluarsaassinissamut atugassan- gortitsinissaq. Ataatsimiititaliap suliaa nr. 01.31.06/24-01089.

"Naalakkersuisut inassutigaa:

- *konto pingaarnermi 87.73.12 Umiarsualivinnut talittarfinnullu aningaasaleeqqinnerit, suliassaami nr. 24.139 Maniitsumi umiarsualivimmi atortorissaarutit, aningaasaliissutit 2024-mi 17,1 mio. koruuninik amerlisinneqassasut, aamma*
- *konto pingaarnermi 87.73.12 Umiarsualivinnut talittarfinnullu aningaasaleeqqinnerit, suliassami nr. 24.128 Sanaartugassat nutaat assigiinngitsut, aningaasaliissutit 2024-mi 17,1 mio. koruuninik ikilisinneqassasut."*

Aningaasaqarnermut Ataatsimiititaliap oqaaseqaatai apequtaalu

Attaveqaasersuutit najukkani ingerlatanut taamaalillunilu aamma aningaasaqarnermut iluaqutaasinnaangorlugit qulakkeerneqarnissaasa pingaaruteqarnerannik Naalakkersuisut ataatsimiititaliamit isumaqatigineqarput. Sanaartugassatut suliassani taamaattuni ingerlaavartumik aserfallatsaaliinissap iluarsaanissallu Naalakkersuisunit eqqumaffigineqarnerunissaat ataatsimiititaliamit kissaatiginartinneqarpoq, taamaaliornikkut suliassat taamaattut amerlavallaarnissaat pinngitsoorneqarsinnaaniassammat. Tuaviuussinerup pitsaannginnera suliami matumani aamma takussutissinneqarpoq, tamatumani sanaartugassanik suliassanik annertunerusunik pitsaanerusunik pilersaarusionerq ataqatigiissaarinerlu aningaasaliinissap sulissutigineqarneranut pissusissamisoortumik ilaasariaqaraluarluni. Najukkami pissutsit arlallit isiginiarneqartariaqartillugit sanaartugassatut suliassat pisariusunngorsinnaanerat suliassami matumani takutinneqarpoq. Umiarsualivinni immikkoortumut pilersaarutip assilineranassiuteqqullugu Naalakkersuisut ataatsimiititaliamit qinnuigineqarput.

Suliniutip tamakkiisumik aningaasaqarnera nalorninartoqartoq suliap allaaserineqarneratigut ataatsimiititaliamit paasineqarpoq. Suliniutip matumani pineqartup toqqaannartumik kinguneratut RAL-ip aningaasartuuteqarnerunissaa RAL-imit naatsorsuutigineqartoq ataatsimiititaliamit immikkut maluginiarneqarpoq. Naalakkersuisut assigalugit ataatsimiititaliaq isumaqarpoq suliniutip toqqaannartumik kingunerisaanik RAL-imut aningaasartuuteqarnerussutaasussat taakku Nunatta Karsianit akilerneqartariaqartut, taamaalillunilu assartuinnermut akit qaffannissaasa pinngitsoortinneqarluni.

Aningaasartuutissalli taamaattut tapiissutitut ittut sanaartugassanut aningaasaliissutitut ilanngullugit naatsorsuunneqarnerat ataatsimiititaliamit apeqquserneqarpoq. Umiarsuarmik nutaamik attartornermut RAL-ip aningaasartuutissaasa usinillu assartuinermik passussinermi aningaasartuutaarnerussutaasussat immikkut aningaasaliissutigineqarnissaat ataatsimiititaliamit kissatigineqarnerugaluarpog. Taamaaliornikkut aningaasat taakku siunertaat atornerqarnerallu pitsaanagerusumik isummerfigineqarsinnaagaluarpog. Aningaasaliissutit ilaat taakku inuiaqatigiit aningaasaqarnerat eqqarsaatigalugu sapinngisamik pissarsissutaanerpaamik atornerqarnissaat ataatsimiititaliamit pingaartinneqarpoq. Ataatsimiititaliaq aamma isumaqarpoq aningaasaliissutit ilaat taakku suliap ingerlanneqarnerani najukkani ingerlatat naapertuuttumik iluaqusernissaannut qulakkeerinneqataassasut. Taamaaliornikkut suliassat unammilligassalluunniit naatsorsuutigineqarsimangitsut RAL-imut najukkamilu inuiaqatigiinnut pitsaanagerpaamik aqqinneqarsinnaasut ataatsimiititaliaq isumaqarpoq.

Aningaasaqarnermut Ataatsimiititaliap aalajangenera

Siuliani allassimasutut oqaaseqaateqarluni Naalakkersuisut inassuteqaataat ataatsimiititaliamit **akuerineqarput**.

Inussiarnersumik inuulluaqqusillunga



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua